

# Жон узилгандан кейин қилинадиган ишлар | Фикҳ дарслари (264-дарс)



19:00 / 12.01.2024 3228

1. Маййитнинг кўзлари юмдирилади.
2. Маййитнинг жағи юмшоқ латта билан бошига тортиб, танғиб қўйилади. Шунда унинг кўриниши қўрқинчли бўлмайди ва оғзидан бирор нарса ичига кириб кетишининг олди олинади.

لَاقٍ : لَاقٍ سَوْأٍ نُبِ دَادَشٍ نَع  
هُلَلَا يَّ لَصِ هَلَلَا لُؤَسَر  
مُتْرَضَحِ إِذَا : مَلَسَوِ هَيْلَع  
رَصَبَلَا أَوْضَمَّ عَافٍ مَكَاتٍ وَم  
حُورَلَا غَبَّتِي رَصَبَلَا نِإْفِ

# عَـكَّـئِـئِـلَـمُـلِـاُـنِـاُـفِـ ، اُرِيـخِـ اُوْلُـوُقِـو لُـهَـاُـلِـاُـقِـ اُمِـ يَـلَـعُـ نُّـمُـوتُـ هَـجِـاُـمُـ نُّـبِـاُـهَـاُـوْرِـ . «تِـيـبُـلِـاُ مُـكِـاُـحِـلِـاُـو»

Шаддод ибн Авсдан ривоят қилинади:

**«Расулуллоҳ соллаллоҳу алайҳи васаллам:**

**«Қачон ўликларингизга ҳозир бўлсангиз, кўзини юмдиринг, чунки кўз руҳга эргашиб қолади. Шунингдек, яхши гап айтинг, чунки фаришталар аҳли байт айтган нарсага «Омин», деб туради», дедилар».**

*Имом Ибн Можа ва Ҳоким ривоят қилишган.*

Бу ишларни қиладиган шахс **«Бисмиллааҳи ва алаа миллати Расулиллааҳи»**, дейди.

3. Маййитнинг ҳузуридан жунуб, ҳайзли ва нифосли шахслар чиқарилади.
4. Маййитнинг яқинига хушбўй нарсалар қўйилади.
5. Уни яхшилаб ётқизиб, бўғинлари ўрнига тушиши учун ҳаракат қилинади.
6. Унинг устига енгил мато ёпиб қўйилади.
7. Шишиб кетмаслиги учун қорнига оғирроқ нарса қўйилади.
8. Маййитни сўри, супа каби ердан кўтарилган нарса устига, икки қўлини ёнига қилиб ётқизиш тавсия қилинади.
9. Маййитнинг қўлини кўксига қўйиш мумкин эмас.
10. Ҳанафий мазҳаби бўйича, маййитни ювиб бўлмагунча унинг олдида Қуръон ўқиб бўлмайди.

11. Маййитни ўпиш жоиз.
12. Маййитнинг аҳли уни кўрмоқчи бўлсалар, ман қилинмайди.
13. Маййитнинг ўлгани ҳақида бошқаларга хабар бериш жоиз.
14. Ҳанафий уламоларнинг кейинги авлоди олим, зоҳид ва табаррук кишиларнинг жанозаси ҳақида бозорларда эълон қилишни яхши, деганлар.
15. Маййитни кўмиш ишларини тезлатиш лозим.
16. Маййитнинг қарзини узишга шошилиш керак.
17. Маййитнинг васиятини амалга оширишга ошиқиш зарур.

Кейин унинг кийимини ечиб, оғзини чайилмай, бурнига сув олинмай, тирноғи олинмай ва соч-соқоли таралмай, (танаси) ювилади. Бошига ва соқолига ҳанут ва сажда қиладиган жойларига кафур суртилади.

***«Кифоя» китобининг биринчи жузи асосида тайёрланди***

Ушбу китоб Ўзбекистон Республикаси Дин ишлари бўйича қўмитанинг 2022 йил 5 октябрдаги 03-07/7013-рақамли хулосаси асосида чоп этилган.